

Inatsisartut suliariaasianni § 37 naapertorlugu Naalakkersuisunut imaattumik apeqquteqaateqas-
saanga:

Naalakkersuisunut apeqquteqaat:

1. Naalakkersuisut akisussaassusilimmik, aningaasaqarnermut siunnersuisooqatigiit innersuussutaat malillugit aningaasanut inatsisissatut siunnersuummik sinneqartoortumik saqqummiussinissartik siunnerfigaat?
2. Nunatta karsiata isertitaqarnerunissaa anguniarlugu Naalakkersuisut sunik siunnerfeqarpat?
3. Nunatsinni isertitatigut naligiinnerunissaq anguniarlugu Naalakkersuisut inuttut akileraarut qanoq pilersaaruteqarpat? Naalakkersuisut inuttut akileraarutip qaffannissaanik pilersaaruteqarpat?
4. Naalakkersuisut aningaasarsiornikkut akisussaassusilimmik, pisuussutit uumaatsut piumaneqaqisut inuiaqatigiinnut iluaqutaanissaat angujumallugu, pilersaarullu ingerlassinnaaqqullugu arlaannaanulluunniit attuumassuteqanngittunik immikkullu ilisimasalinnik nalilersuisimanertuut kiisalu aatsitassarsionermut inatsisip iluani, Greenland Mineralsimik oqaloqatiginissaanut pilersaaruteqarpat?
5. Naalakkersuisut soq inuiaqatigiit ernumassutaat aallaaviginiangilaat tusarniaanermi oqaatigineqartut, tassa uran atorniarneqanngimmat kiisalu avatagiisinut innarlitsaaliuinerup sakkortusarnissaanut?
6. Naalakkersuisut nunatta aningasarsiornikkut namminiileriartornissaanik eqqarsaateqarneq qimakkiartulersimavaat, akerlianik nunanit assigiinngittuniik suliniaqatigiiffiit nunatsinni qanoq inuuneqarnissatsinnik aalajangersuisussanngorlugit?
7. Naalakkersuisut, Narsami immikkut ilisimasalinnik DCE-meersunik pinngortitaleriffimmeersunillu, innuttaasut suliniummut tunngatillugu apeqqutigisinnaasaat akissuteqarfigineqarsinnaaqqullugit, Naalagaaffimmi oqartussat peqatigalugit utaqqiisaagallartumik allaffeqartitsisinnaanertik eqqarsaatigisimanerlugu?
8. Naalakkersuisut, suliniutit nunatsinnut isaatitsissutissat aallartisartut allat nunattalu aningaasaqarneranut inuiaqatigiinnullu iluaqutaasussat unitsissallugit pilersaaruteqarpat?

(Inatsisartunut ilaasortaq Jess Svane, Siumut)

Tungavilersuutit:

Naalakkersuisooqatigiit isumaqatigiissutaanni aningaasartuutteqarfiusussanik neriorsuuteqarfiusut matussusernissaanut isaatitsiviusinnaasunik takusassaaleqiffiuvoq.



Aningaasaqarnermut Naalakkersuisup arlaleriarluni maanngamut oqaatigereerpaa qineqqusaarnermi neriorsuutaasimasut, tassalu atungarissaarneq minnerunngittumillu isertitatigut nikiganerujussuaq allanngortissagaanni aningaasarsiorfinnik nutaanik pilersitsisoqartariaqartoq.

Apeqquteqaatima ullut suliffiusut qulit iluanni akineqarnissaat kissaatigaara.